

OFFERYNNAU STATUDOL CYMRU

2006 Rhif 2926 (Cy.261)

ANIFEILIAID, CYMRU

IECHYD ANIFEILIAID

**Gorchymyn Defaid a Geifr (Cofnodion,
Adnabod a Symud) (Cymru) (Diwygio) 2006**

Wedi'i wneud - - 7 Tachwedd 2006
Yn dod i rym - - 1 Ionawr 2007

Mae Cynulliad Cenedlaethol Cymru, drwy arfer y pwerau a roddwyd iddo gan adrannau 1, 8(1) ac 83(2) o Ddeddf Iechyd Anifeiliaid 1981(1) ac a freiniwyd ynddo bellach, yn gwneud y Gorchymyn a ganlyn:

Enwi, cymhwyso a chychwyn

1.—(1) Enw'r Gorchymyn hwn yw Gorchymyn Defaid a Geifr (Cofnodion, Adnabod a Symud) (Cymru) (Diwygio) 2006.

(2) Mae'r Gorchymyn hwn yn gymwys o ran Cymru.

(3) Daw'r Gorchymyn hwn i rym ar 1 Ionawr 2007.

Diwygio Gorchymyn Defaid a Geifr (Cofnodion, Adnabod a Symud) (Cymru) 2006

2.—(1) Diwygir Gorchymyn Defaid a Geifr (Cofnodion, Adnabod a Symud) (Cymru) 2006(2) fel a ganlyn.

(2) Yn erthygl 8 (Adnabod anifeiliaid a symudir i Aelod-wladwriaeth arall o'r daliad geni neu o'r daliad mewnforio), yn lle paragraff (2) rhodder—

“(2) Mae'n rhaid bod gan yr ail ddull o adnabod god adnabod sydd yn union yr un fath â'r cod a ddefnyddiwyd yn y dull cyntaf o adnabod o dan erthygl 6(3), yn achos anifail a aned yng Nghymru, neu erthygl 10(3) yn achos anifail a fewnforiwyd o drydedd wlad.”

(3) Yn erthygl 13 (Rhoi dull newydd o adnabod gyda chod gwahanol yn lle'r hen un)—

- (1) 1981 p.22. Trosglwyddwyd swyddogaethau a roddwyd o dan Ddeddf 1981 i “*the appropriate Minister*” ac i “*the Ministers*” (fel y'u diffinnir yn adran 86 o'r Ddeddf honno) i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672). Trosglwyddwyd swyddogaethau a roddwyd o dan Ddeddf 1981 i'r “*Secretary of State*”, ac eithrio'r swyddogaethau hynny a gynhwysir yn Atodlen 1 o Ddeddf 1981, i Gynulliad Cenedlaethol Cymru o dan Orchymyn Cynulliad Cenedlaethol Cymru (Trosglwyddo Swyddogaethau) 2004 (O.S. 2004/3044).
- (2) O.S. 2006/1036 (Cy. 106).

- (a) ar ôl paragraff (1) mewnosoder—
- “(1A) Rhaid i geidwad wneud yr hyn sy'n ofynnol gan baragraff (1) cyn gynted ag y bo modd, ond dim mwy na 28 niwrnod, ar ôl canfod bod y modd adnabod yn annarllenadwy neu ar goll, ond ym mhob achos cyn i'r anifail gael ei symud o'r daliad.”;
- (b) ar ôl paragraff (2) mewnosoder—
- “(2A) Rhaid i geidwad wneud yr hyn sy'n ofynnol gan baragraff (2) cyn gynted ag y bo modd, ond dim mwy na 28 niwrnod, ar ôl canfod bod y modd adnabod yn annarllenadwy neu ar goll, ond ym mhob achos cyn i'r anifail gael ei symud o'r daliad.”.
- (4) Yn erthygl 23 (Tynnu tagiau clust neu roi rhai newydd yn eu lle), ym mharagraff (3), (4) a (5)—
- (a) yn lle “6 mis” rhodder “28 niwrnod”;
- (b) yn lle “i'r tag symud gael ei dynnu neu ei gollu neu ar ôl sylwi ei fod yn annarllenadwy” rhodder “canfod bod y tag symud ar goll neu'n annarllenadwy”.
- (5) Yn erthygl 24 (Tynnu tagiau clust a thatws o dan Orchmynion blaenorol neu roi rhai newydd yn eu lle)—
- (a) ym mharagraff (3)—
- (i) yn lle “6 mis” rhodder “28 niwrnod”;
- (ii) yn lle “sylwi ei gollu neu ar ar ôl sylwi ei fod yn annarllenadwy” rhodder “ar ôl sylwi ei fod wedi ei gollu neu ei fod yn annarllenadwy”.
- (b) ar ôl paragraff (4) mewnosoder—
- “(4A) Rhaid i geidwad wneud yr hyn sy'n ofynnol gan baragraff (4) cyn gynted ag y bo modd, ond dim mwy na 28 niwrnod, ar ôl canfod bod y tag tarddiad wedi cael ei dynnu neu ar ôl canfod ei fod ar goll neu yn annarllenadwy, ond ym mhob achos cyn i'r anifail gael ei symud o'r daliad.”;
- (c) ar ôl paragraff (5) mewnosoder—
- “(5A) Rhaid i geidwad wneud yr hyn sy'n ofynnol gan baragraff (5) cyn gynted ag y bo modd, ond dim mwy na 28 niwrnod, ar ôl i'r nod F gael ei dynnu, neu ar ôl canfod ei fod ar goll neu yn annarllenadwy, ond ym mhob achos cyn i'r anifail gael ei symud o'r daliad.”;
- (ch) ar ôl paragraff (6) mewnosoder—
- “(6A) Rhaid i geidwad wneud yr hyn sy'n ofynnol gan baragraff (6) cyn gynted ag y bo modd, ond dim mwy na 28 niwrnod ar ôl i'r nod R gael ei dynnu, neu ar ôl canfod ei fod ar goll neu yn annarllenadwy, ond ym mhob achos cyn i'r anifail gael ei symud o'r daliad.”.
- (6) Yn erthygl 25 (Rhoi tagiau clust newydd yn lle rhai a gollwyd mewn marchnadoedd), ym mharagraff (2), ar ôl “cyn gynted ag y bo modd” mewnosoder“, ond dim mwy na 28 niwrnod ar ôl i'r tag clust neu'r tatwgael ei dynnu, neu ar ôl canfod ei fod ar goll neu'n annarllenadwy”.
- (7) Yn Rhan 9 (Amrywiol), cyn erthygl 35 (Gorfodi), mewnosoder—

“Pwerau arolygwyr

- 34A.** At unrhyw ddiben yn ymwneud â gorfodi'r Gorchymyn hwn, caiff arolygydd—
- (a) casglu, corlannu a marcio unrhyw anifail, ac at y diben hwn gall ofyn i geidwad drefnu casglu, corlannu, marcio a dal gafael ar unrhyw anifail;
- (b) ei gwneud yn ofynnol i'r ceidwad beri bod unrhyw gopi neu gofnodion ar gael;
- (c) symud ymaith a chadw unrhyw ddogfen neu gofnod;

- (ch) cael mynediad i, a gwirio gweithrediad, unrhyw gyfrifiadur ac unrhyw gyfarpar neu ddeunydd cysylltiedig sy'n cael ei ddefnyddio neu sydd wedi cael ei ddefnyddio mewn cysylltiad â chofnodion;
- (d) pan fo cofnod yn cael ei gadw ar gyfrifiadur, ei gwneud yn ofynnol i'r cofnod fod ar gael mewn ffurf y gellir ei gymryd ymaith;
- (dd) ei gwneud yn ofynnol i unrhyw dagiau clust nas defnyddiwyd fod ar gael, a chofnodi eu Rhif au;
- (e) fynd â chynrychiolydd o'r Comisiwn Ewropeaidd sy'n gweithredu at ddibenion o Erthygl 12 o Reoliad y Cyngor, neu unrhyw bobl neu bethau eraill sydd yn ei dyb ef yn angenrheidiol, gydag ef.

Pŵer i wahardd symud anifeiliaid

34B.—(1) Caiff arolygydd, drwy gyflwyno hysbysiad i geidwad, wahardd symud anifeiliaid i'r daliad a bennir yn yr hysbysiad, neu oddi arno, os yw'r arolygydd wedi'i fodloni bod gwaharddiad yn angenrheidiol er mwyn gorfodi'r Gorchymyn hwn yn briodol.

(2) Gellir diwygio neu ddirymu hysbysiad o dan baragraff (1) drwy hysbysiad pellach ar unrhyw adeg.

Cymorth rhesymol

34C. Rhaid i unrhyw berson y mae'n ofynnol iddo roi cymorth rhesymol neu wybodaeth i berson sy'n gweithredu o dan y Gorchymyn hwn wneud hynny yn ddi-oed, oni bai bod ganddo achos rhesymol i beidio.

Gwybodaeth anwir

34Ch. Rhaid i berson beidio â rhoi gwybodaeth y gŵyr ei bod yn anwir neu'n gamarweiniol i berson sy'n gweithredu o dan y Gorchymyn hwn.

Tramgwyddau gan gyrrff corfforaethol

34D.—(1) Os dangosir bod tramgwydd yn erbyn y Ddeddf sydd wedi ei gyflawni gan gyrrff corfforaethol—

- (a) wedi cael ei gyflawni gyda chydysyniad neu ymoddefiad swyddog; neu
- (b) i'w briodoli i unrhyw esgeulustod ar ran swyddog,

bydd y swyddog hwnnw, yn ogystal â'r corff corfforaethol, yn euog o'r tramgwydd a bydd yn agored i gael ei erlyn a'i gosbi yn unol â hynny.

(2) Os yw materion corff corfforaethol yn cael eu rheoli gan ei aelodau, mae paragraff (1) yn gymwys mewn perthynas â gweithredoedd a diffygion aelod mewn cysylltiad â swyddogaethau'r aelod hwnnw o ran rheoli megis petai yn gyfarwyddwr i'r corff.

(3) Ystyr “swyddog”, mewn perthynas â chorff corfforaethol yw cyfarwyddwr, aelod o bwyllgor rheoli, prif weithredwr, rheolwr, ysgrifennydd neu swyddog cyffelyb o'r corff, neu berson sy'n honni ei fod yn gweithredu mewn unrhyw swydd o'r fath.”.

Diwygio Atodlen 1 i Orchymyn Defaid a Geifr (Cofnodion, Adnabod a Symud) (Cymru) 2006

3.—(1) Diwygir Atodlen 1 i Orchymyn Defaid a Geifr (Cofnodion, Adnabod a Symud) (Cymru) 2006 fel a ganlyn.

(2) Ym mharagraff 6, yn lle is-baragraff (3) rhodder—

“(3) Pan fo anifail yn cael ei draddodi o ddaliad yr adnabod i Aelod-wladwriaeth arall, rhaid i'r ceidwad roi tag adnabod arall ar yr anifail gyda chod sy'n union yr un fath â'r cyntaf a nodi'r cod sydd ar y tagiau adnabod yng nghofrestr y ceidwad ac yn y ddogfen symud.”

(3) Ym mharagraff 16 (symud i Aelod-wladwriaeth arall drwy ganolfan gynnull)—

(i) yn is-baragraff (3), ar ôl “ceidwad”, dileer y gair “cofnodi” a mewnosoder “osod ail dag clust neu dransbonder electronig ar yr anifail sy'n dwyn ei god adnabod unigol, a chofnodi”;

(ii) yn yr is-baragraff hwnnw, yn lle “Rhif” rhodder “cod”;

(iii) yn lle is-baragraff (6) rhodder—

“(6) Nid yw is-baragraff (5)(a) yn gymwys ond o ran anifeiliaid a gafodd eu symud o'r daliad y cyfeirir ato yn is-baragraff (3) cyn i Orchymyn Defaid a Geifr (Cofnodion, Adnabod a Symud) (Diwygio) (Cymru) 2006 ddod i rym.”

(4) Ym mharagraff 17 (symud i Aelod-wladwriaeth arall drwy ganolfan gynnull)—

(i) yn is-baragraff (3), hepgorer y geiriau “Yn ddarostyngedig i is-baragraff (4)”;

(ii) hepgorer is-baragraff (4).

Cymryd lle Atodlen 3 i Orchymyn Defaid a Geifr (Cofnodion, Adnabod a Symud) (Cymru) 2006

4. Mae'r Atodlen i'r Gorchymyn hwn, sy'n cymryd lle Atodlen 3 i Orchymyn Defaid a Geifr (Cofnodion, Adnabod a Symud) (Cymru) 2006, yn effeithiol.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(3)

7 Tachwedd 2006

D. Elis-Thomas
Llywydd y Cynulliad Cenedlaethol

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Adran B - Manylion y cludwr

Name and full postal address

Cod Post

Rhif Cynllun Gwarant

Rhif cofrestru'r cerbyd (au)/Rhif adnabod yr ôl-gerbyd

Dyddiad a lleoliad glanhau'r cerbyd ddiwethaf

Rhif trwydded y Cludwyr (Ile bo'n briodol)

Cyfnod Disgwyliedig y Siwrnai Arfaethedig

Lbwytho

Dyddiad:

Dechrau:

Ymadael

Dyddiad:

Amser:

Dadlwytho

Dyddiad:

Gorffen:

Amser a'r lleoliadau lle arhoswyd i orffwys gan gynnwys os cafodd yr anifeiliaid ddŵr ac/neu fwyd (os dros 8 awr)

Rhif ffôn (+ cod deialu cenedlaethol)

Llofnod y Cludwr

Enw mewn PRIFLYTHRENNAU

Adran C - Manylion cyrchu (1)

Enw a chyfeiriad llawn

Cod Post

Nodwch y math o Farchnad neu Ganolfan Casglu, lle bo'n briodol

· Cigydda un pwrpas · Arall

DOGFEN SYMUD SAMPL

Iw Llenwi gan y Ceidwad yn y Daliad ymadael

Adran D - Manylion cyrchu (2)

CPH/Cyfeirnod arall

Nifer yr anifeiliaid

Yr wyf yn datgan bod y manylion yn yr adran hon yn gywir.

Llofnod

Enw mewn PRIF lythrennau

Dyddiad

Rhif ffôn (+ cod deialu cenedlaethol)

Iw Llenwi gan y Ceidwad yn y Daliad ymadael

EXPLANATORY NOTE

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn diwygio Gorchymyn Defaid a Geifr (Cofnodion, Adnabod a Symud) (Cymru) 2006 (“y prif Orchymyn”).

Mae Erthyglau 2(2) a 3 yn diwygio darpariaethau'r prif Orchymyn ar adnabod anifeiliaid a gaiff eu symud i Aelod-wladwriaeth arall o'r Undeb Ewropeaidd. Maent yn symud ymaith y posibilrwydd o nodi anifail o'r fath gyda “tag X” (fel y'i diffinnir yn Erthygl 2(1) o'r prif Orchymyn). Mae Erthygl 3(3) yn diwygio Erthygl 16 o Atodlen 1 i'r prif Orchymyn gan beri, yn achos anifail a gaiff ei symud o ddaliad i ganolfan gynnull ar gyfer ei gludo i Aelod-wladwriaeth arall, bod rhaid gosod ail dag clust arno cyn i'r anifail adael y daliad.

Mae paragraffau (3) i (6) o Erthygl 2 yn diwygio darpariaethau'r prif Orchymyn ar osod tagiau neu ddulliau eraill o adnabod yn lle rhai a gafodd eu tynnu, a gollwyd neu a aeth yn annarllenadwy. Effaith y diwygiadau yw bod rhaid gosod modd adnabod yn lle un a gollwyd cyn gynted ag y bo modd, ond dim mwy na 28 niwrnod, ar ôl i'r un gwreiddiol gael ei golli, neu ar ôl canfod y golled neu'r annarllenadwyedd, ond ym mhob achos cyn i'r anifail adael y daliad.

Mae Erthygl 2(7) yn mewnosod darpariaethau gorfodi newydd yn y prif Orchymyn. Mae Erthygl 34A yn rhoi amrediad o bwerau i arolygwyr, ac mae Erthygl 34B yn rhoi pŵer iddynt wahardd symud anifeiliaid ar ddaliad, i ddaliad ac oddi yno, drwy hysbysiad a gyflwynir i geidwad, os ydynt wedi'u bodloni bod gwaharddiad yn angenrheidiol er mwyn gorfodi'r prif Orchymyn yn briodol. Ceir Erthyglau 34C, 34Ch a 34D newydd yn ymwneud â rhoi cymorth rhesymol i berson sy'n gweithredu o dan y prif Orchymyn, â darparu gwybodaeth anwir neu gamarweiniol, ac â thramgwyddau a gyflawnir gan gyrff corfforaethol.

Mae Erthygl 3 a'r Atodlen yn cymryd lle Atodlen 3 i'r prif Orchymyn, sy'n rhagnodi'r ffurflen ar gyfer cofnodi symudiadau anifeiliaid. Mae'r ffurflen newydd yn cynnwys blwch i gofnodi'r cyfnod y disgwylir i'r daith ei chymryd. Mae hyn yn ofynnol gan Erthygl 4 o Reoliad y Cyngor (EC) Rhif 1/2005 (O.J. L3, 5.01.2005, t.1) ar warchod anifeiliaid yn ystod eu cludo a gwaith cysylltiedig.

Cafodd Arfarniad Rheoliadol ei baratoi. Gellir cael copïau ohono oddi wrth yr Adran dros yr Amgylchedd, Cynllunio a Chefn Gwlad, Llywodraeth Cynulliad Cymru, Parc Cathays, Caerdydd CF10 3NQ.